



關柝集

倅扶風時作

庚戌

辛亥

壬子

追懷太學石鼓歌

皇帝即位之二年臨雍釋奠禮獨先一時冠裳集槐

市鳴金戛玉紛聯翩

宮墻萬仞春日麗肅雝揖讓敢不虔或者載筆銘  
功德形之雅頌被管絃小臣追隨鵷鷺後得與陪  
位執豆籩

法駕未來習奔走出入踟躕戟門邊忽驚石鼓森羅

詩禮堂雜咏

關柝集

一

列見所未見喜蛩然昔聞此石在鳳郡唐時得  
於民間田鄭公移置入

孔廟靖康改號乃播遷明建燕京送太學分置兩楹  
覆以椽其高二尺其數十上下平銳中粗圓周  
身有文刻畫細大都剝落剝苔蘚間有存者體  
制古相對莫識徒俄延或言此文出史籀宣王  
漁獵紀鴻篇昌黎眉山大手筆彪炳兩詩光經  
天或云成王渙大號蒐于岐陽載簡編余也迂





疎空懷古考核無據心懸懸獨以斯文愜素好  
摩娑當日情所牽其後一麾越蒲晉唐虞舊都  
草如綿及來岐陽周所建文謨武烈誰與傳獨  
有南原四十里石鼓雖去名未捐欲一驅車求  
遺跡時復矯首慨流連憶昔奉使江南日曾歷  
泰岱陟層巔李斯文字無關係斷碑缺劃猶鑽  
研况此當周之盛世周召遺文賢所鑄自古征  
伐兼禮樂豈以靡辭誇遊畋一物良足繫人思

詩禮堂雜咏

關柝集

二

於論於樂何如屢嗟乎石鼓石鼓雖得地維余  
有懷別拳拳

七憶

謝信符

名穀通州文學余先時從之學文

我憶謝康樂疎狂任自然熱腸多契友

謝好俠  
喜交遊

白首

未逢年

時年近七十  
未得一第

少小師文字平生慳布泉

余遊  
宦愧

未有一  
金之贈

知君高曠性期我古人前

張石鄰

名巖余同年進士為鄒平  
令忤上官誣以駐問配

我憶張平子家貧達亦然直多招世忌義不受人憐  
爭說夷齊黷應稱躄賢哀哉翻覆手何處問蒼天

朱羲王 名紹夏天津文學

我憶朱元晦會心在說書乃於梅福市獨有子雲居

零露山中蕙清秋水上藁言多人不解解者又何如

洪吉人 名天錫鑲白旗文學

我憶洪弱生率性成千古不自救家貧終身惜友苦

洪最急友難而忘其瓶米之罄註經出肺肝 有五經及素問靈樞等解自出手眼不捨前人

詩禮堂雜咏 關拆集 三

牙慧捫舌任吞吐 洪最憂讒畏讖每戒多言而言輒不禁浩浩赴羲皇天

然無鑿斧

周月東 名焯武清選拔

我憶周茂叔學問有淵源不效今人步能追作者魂

嘉詩屢見贈古道彌相敦所以貧非病故人有至言

周有詩見寄有爭者崑崙馬骨高之句

孫又深 名嘉傑天津舉人

我所憶孫登狂歌入酒市胸中自不平海內全無是



彭殤一死生堯舜皆糠粃才難豈不然誰障東流水

劉生白 名卿天津文學

我所憶劉伶昂藏迥不羣揮盃獨造句顧影自成文  
素志昔相共形骸自爾分未知潦倒後何日置青雲

獨坐

遲遲斜日上堦除不是衙齋是謫居綠野有人初叱  
犢寒廳無事獨翻書藏經偶或逃秦火識字誰同辨  
魯魚日暮挑燈掩卷後幾番搔首賦歸歎

詩禮堂雜咏

關林集

四

哭亡友

百年何鼎鼎流水去不回平生有故歡存者幾人哉

邢子邁種德 名域孝友醇真至性無欺 早殞良可哀金玉遭剝蝕

樗櫟荷栽培田子寂篤信與吳常相乖 田名行助最信余吳名存

仁好攻我過二人以此常相抵牾 丈百雖異趨天挺不凡材 文百姓名天

成後以家貧學貨殖然才氣敏捷好談兵 李氏賢昆仲疎豁俠士懷 伯名極仲

名捷皆篤交遊 龐子字叔允理數窮根莖 龐精天文及青鳥家言 此皆

稱卓犖一時俱塵埋尤堪痛哭者家鄉有信來來玉

病不起數月入泉臺

朱來玉名理與余爲總角交數十年情好如一日

碌碌

眼前交誰托自嬰孩吁嗟多病身念之肝腸摧

賦得滿城風雨近重陽

每首以題中一字爲韻

中秋初過襟期散夜漏迢迢白日短欲對黃花照眼  
明可堪兩耳秋聲滿

茱萸未插已關情展轉鄉思恨忽生落葉聲兼簷下  
溜誰將簫鼓到山城

春來乞得野人種也有支離菊數叢正好酩酊酬此

許禮堂雜咏

關林集

五

日無端冷雨打西風

買酒澆花誰是主隔簾歷歷傳鸚鵡登高明日到城  
西戲馬臺前風又雨

細雨催花風亦韵好花正是開時分分植不辭手足  
勞童僕須知佳節近

空憐破帽老扶筇應笑龍山舊日踪祇有竹聲聞籟  
籟何能花影見重重

催租人去竟枯腸只向疎籬對晚香今日秋風明日



雨果然時節到重陽

友人歸去衙齋逾靜庭空如山人閒于鶴偶讀  
淵明形影神三詩嘆其達而憫夫心爲形役乃  
廣其志亦成三首

形贈影

有生均所賦虛實徒妄分有我即有爾久矣與同群  
我貴子簪裾我賤子敝緼囂寂固殊致相依實殷勤  
嚮夕暫若忘連旦復紛紛以此促避齡泯滅兩無成  
詩禮堂雜咏

關柝集

六

影答形

瞻之在君前忽焉在君後君實有遷移非我故乖謬  
少壯各異時短長亦非舊智愚均一役人生無百壽  
昔也共豐腴今也同庾瘦勞勞兩敝間焉能常相守  
仁者自永年幸無苦不富期此擁敝衾誰云愧屋漏

形影釋

世運轉萬化衰榮遞相傳安時以處順所貴任其天

山木胡自寇膏火誰爲煎明者達至理一切委自然  
麩蕪雖逃冥狂縱卽多愆爲善苟近名譽盛禍亦連  
獨此不動心到處無糾纏所哀飲食人口腹稱便便  
顧盼若自得失意何迤邐君子養其大豈必絕世緣  
肆應苟有主相奉聊周旋二君無徒苦持此自忘年

野蠶行爲寶雞縣梁宰作

梁名成武山西介休舉人

昔我奉命觀海還扁舟來往吳越間卧者女桑低兩  
岬倚那不教尺地閒市上織者人如蠅男子理經女

詩禮堂雜咏

關柝集

七

理緯布帛衣被天下人金玉珠璣寧足貴怪哉秦邑  
曰陳寶滿山榭葉禿如掃有蟲食之其名蠶近年來  
自山東道山東野繭久著名不勞人飼自能生但使  
機杼出素手天然文理分縱橫有客有客載蠶筐買  
貿而來過此鄉指說南山一片樹不必吳地有條桑  
父老留客出羹飯客亦俯首憐纏繆一時到處破天  
荒大繭小繭滿山獻秦女欲織苦無絲俯仰此日無  
停時千千萬萬取不盡試問誰其始爲之嗚呼梁君



創業後人守梁君梁君真父母

贈同年任拱辰明府

任名樞南平山縣  
孝廉向爲鳳翔令

誰能疎人事天懷任其真悖者駭而走曰怪將無倫

吾友有四子

謂莊張里龐叔兒  
洪吉人張石齋

生硬骨嶙峋各行已

之是彼此還相嗔一卿皆却走與吾情獨親非吾情  
獨親知交自有神去家四百里又得一個人謂其粗  
豪者同儕多反唇舉世重柔佞肝腸生荆榛吾欲挽  
頽波使之薄可淳庶幾三代直一再行斯民

詩禮堂雜咏

關柝集

八

歲除懷弟值顧六虛過訪有詩索和未及答而  
欲去時欲引疾因以送別

冷衙又值供椒卮吏散堂空鵲叫枝不與阿戎同獻  
歲謾教蘇子獨題詩投簪已作歸田計傾蓋還要到  
老時此去何須重矯首黃花相賞在秋籬

李都閩折贈牡丹數枝賦謝

折得名園第幾株鮮妍朶朶大如孟果然芍藥稱花  
相信是重臺號木奴

橙一名木奴

珍重須求青玉案滋培

詩禮堂雜咏

關柝集



信是重寶... 木如... 珍重... 須求... 青玉... 春... 得... 名... 因... 余... 幾... 枝... 研... 染... 集... 大... 如... 孟... 果... 然... 尋... 樂... 無... 窮... 李... 杜... 蘇... 王... 荆... 壯... 丹... 敷... 枝... 賦... 謝... 花... 相... 賞... 在... 秋... 繪...



詩禮堂雜咏

關拆集



一枝裝就盡中春，便覺銜齋迥絕塵。似有寒香飄杖屨，也饒冷韻沁心神。爲官滋味誰堪澹，出世情懷只在真。此意惟君能賞識，孤踪願與結山鄰。

過馬嵬玉環墓碑有爲白其洗兒雞頭之事者  
賀令真癡人說夢而漁洋山人又弔其長生殿  
七夕之言不踐此皆好事不識大體遂用其韻

成三絕句

漁陽不必更蒙羞，壞盡綱常是聚麀。傾國傾城真禍

詩禮堂雜咏

關林集

十

水枉教好色說風流

驪山不似茂陵春，方士求魂總未真。况乃形骸都化土，從來多事是詩人。

洛神一夢亦爲癡，才子猶題石上詩。只有真娘堪表墓，何人更與毀淫祠。

夏邑趙宰爲余同年友贈米活我妻孥寄謝時

趙丁外艱以從戎例留任

余之扶風妻子留寄  
路村去夏邑百里

自到扶風郡，頽然醉睡鄉。祇應閒更懶，非是老而狂。



慚愧留黃口殷勤數畧糧東來憑信使雅意未難忘  
爲問齊年好今來更若何仁風終在樹孝水又生波  
賣劍餘耕犢揮絃發野歌蒼生原待澤况乃未韜戈  
過磻溪釣臺簡顧六虛

垂綸思待世間清豈有飛熊自釣名遙望終南真捷  
徑賣身不獨一種生

久已家鄉別釣磯邇來每食嘆無魚荷蓑久負臨流  
約此意誰知有六虛

詩禮堂雜咏

關柝集

十一

五丈原回望三良墓

觸熱騁征馬迢迢過遠村山花時競發溪水亦同喧  
回首三良墓吞聲五丈原往踪猶可弔風日正昏昏  
池蓮始開雙朶雨中折贈郡守任使君時余已  
乞休將歸矣

纖塵不染號仙葩插向瓶中正復斜贈君更索一壺  
酒報我纔開兩朶花四載朱輪聞夾鹿連年甘雨見  
隨車歸鄉但說扶風麗任隴原來是國華

郡守任使君贈我名酒恰值時雨感喜率賦

陶潛此日賦歸辭可愛王宏送酒時黃菊未開已脫  
帽白衣再到又銜卮疎狂自是生來慣投贈還從性  
所宜正飲醇醪歌化雨好同四野樂春熙

寧羌遊戎爲余宗未之見也聞其知我寄贈

同心千里亦相知慚愧終朝對面時捫蝨有人說景  
略籠鵝何處覓羲之

遊戎善書喜  
作擘窠大字

近來喜讀歸田錄

他日應隨辟穀師

遊戎好  
講元功

迢遞雲山多悵望祇從驛

詩禮堂雜咏

關林集

十三

路寄新詩

送別原鳳翔令任宰歸里

淒風冷雨夏如秋相對相憐悔壯遊百歲何時纔了

余與任皆不合  
時宜共日爲癡

一身今日合休休老來精力君當

惜宦後生涯我未謀滿地紅塵耻俗吏况當衰病篤

離憂



呻吟集

告病歸里作

丙辰 丁巳 癸丑 戊午

甲寅

乙卯

引疾欲歸友人代憂生計適家信至云眷屬到  
津居停湫隘兒女皆露棲成疾老妻至形之涕  
淚聊賦答友兼慰內

落拓寒鄉四十年歸家囊橐仍蕭然一絲不掛從來  
淨萬象皆空早是禪有子未堪承祖父無官誰說是  
神仙釜魚塵甑尋常事豈但棲身少半椽

余已請告待部文不至問卜

詩禮堂雜咏

呻吟集

一

欲向君平問卜居九重恩旨果何如靈龜報我歸  
家信只在明辰日上初

留別麟遊縣徐宰

徐名爾發庚子江西舉人

舊是齊年友同舟共濟初循良君第一衰病我奚如  
山邑纔歸雁秋風亦憶魚分襟從此日流涕報音書

留別岐山縣任宰

任名懋華江南進士

如蘭氣味漸相親信是循良豈弟人四境煦君同愛  
日三年飲我以醇春長風見奮雲霄翮暮景慚兼衰

病身迢遞雲山歸去日一思雅量一傷神

留別沙都閩

沙名亮  
進士

略跡談心友臨岐意摯然已教車馬待更囑信音傳  
繚繞關山月淒涼水國天良緣如再邁感激說當年

留別李守戎

李名躍龍  
滄州將種

舊是維桑梓同來靜虎羆我官唯患盜君將雅稱儒  
天府專留鑰鄉風獨嗜鱸歸歟時額手旌節指幽都

扶風早發

詩禮堂雜咏

呻吟集

二

戒早發征車驛路連山曲仲秋風已寒延領望東旭  
山頭日已升溫然面微觸夜氣稍以歛病骨舒如浴  
況在去官後脫略少拘束去去巖谷深幸哉無殆辱

留別興平縣胡宰

胡名蛟齡江南進士余  
同年友自館職改此

共作風塵吏曾趨金馬門性情真自合出處義同敦  
君後離京國我先羈路村秦關重聚首復得識賢昆

胡有兄字贊

容適在署

疾病羞縻祿兼當遲暮年祇因求藥餌非敢愛林泉



盛世無遺物長材盡効邊獨憐清白吏何以應周  
旋興平爲衝邑  
過客甚多

嘆惜馮唐老踟躕陶令歸何人稱巧宦此日羨忘機  
四海貧堪共同袍跡已違恨無雙健翮挾子與俱飛  
到此情無限挑燈話更深相看十載後各有二毛侵  
何日重攜手歸來獨繫心西風有便羽一字比南金

藍田湯泉口號

聞道溫泉解滌疴痼寒一洗盡消磨到來谷口無多

詩禮堂雜咏

呻吟集

三

路果見靈湯盈四科昨日輕嘗炙手掌今朝深入透  
肩窩參苓藥餌孰能及說與神農費揣摩

湯峪口紀事

南山有虎潭有魚我欲往釣虎與俱雖云生死皆有  
命豈以豫樂輕吾軀韜竿捲綸勿復爾遠觀山色亦  
可娛今早村人來訴說未語色變先嗟吁山口有廟  
僧亦老昨夜醉走村前道自言身是脩行人已遭搏  
瑩恣一飽麥田見遺雙麻屨神祠門扃無人啟峪中

尋覓得殘骸不食所餘寧有幾衲衣布袴紛紛碎誰  
云解衣有佺鬼豈是此虎初食人無可附麗遣屍起  
不食醉人語亦誣徵事何能盡信書或者山靈有呵  
怒佛子破戒酒爲徒我聞此事心頗寒扶杖隨人且  
往看出村不遠五十步有爪印泥大如盤昨日天晴  
來看水道旁耕者無乃是邂逅猶記問答詞一夜無  
端異生死歸來閉關頻驚訛門外依稀有虎過爲語  
入山樵採人早晚慎勿走山坡

詩豐堂雜咏

呻吟集

四

在省送同年程鶴汀使君之任葭州

程名材傳湖廣  
進士曾牧天津

岳牧今分竹離亭人又歸緜袍方戀戀楊柳昔依依  
歲月遷流甚山河問訊希何年重駐節老病覽明輝

留別經儒宗兄

經儒名若綸篤  
交情豪好客

此身已自付烟蘿又在人間微笑歌賓主二難今好  
會弟兄四海此重過南來鮮荔生甘蔗塞上蒸羊炙  
駱駝既醉承筐還細問家鄉食指可如何



聞人吹笛

待盡含章夜漏聲從戎聞鼓不聞鈺何如近接鄰翁  
榻玉笛連宵吹太平

一曲梅花最有情無端換指起商聲懷歸盡日歸難  
問折柳何人欲贈行

留贈張濟川別駕

張名于渡  
安邑保舉

十載空教玷佩紳秋風忽起憶江尊感君日日迴車  
騎更覓綠袍贈故人

詩禮堂雜咏

呻吟集

五

壁間讀張分司詩喜賦

張名迪京  
口孝廉

聞君喜讀蘓公詩題壁儼然是蘇作尋常說話都渾  
成世上何人有老格精悍獨造力有餘敲骨見髓膚  
全剝陋彼蒼蠅細作聲自然大方無繩削昔也爲我  
一字師今又四載成荒落郡城舊有喜雨亭髯翁遺  
跡空蕭索近日疾病大凌人久已筆墨束高閣今來  
讀此歡喜生果然詩文堪已瘡奮臂亦題數十字留  
作別後恣談噱

留別葛公暨賢即澤躬同學

葛公名鳴澤躬名德潤安邑孝廉

飄然悔往欲追來到此情懷得再開我老無官同散

木君賢有子是通材歸公事事皆堪愧得句時時獨

就裁

澤躬時以時文見示

兩世交情今更篤一時流涕對尊壘

留別樊子

樊名二盛安邑文學余子業師

學詩聞訓日問字得交初小子勞雕琢老夫待起予

吾衰憑一懶子富實三餘欲再圖良晤為期賦子虛

留別何子

何名恕夏縣文學

詩禮堂雜咏

呻吟集

六

宦後貧彌甚歸來說固窮非吾今矯異惟子昔從同

願拙無為巧寧方不尚融緬懷風義日感慨獨臨風

過郇取舊治感成十絕

監澤曾除力役征經營亦未困商生此來父老勞存

問薦幣堪慚是頌聲

回首離官已四年此鄉風土尚依然清捺愧我非劉

寵也在臨行取一錢

四海茫茫說宦遊歸來猶擁舊羔裘借非長者殷勤



意阮籍窮途哭不休

妻孥留晉曾加璧老病離秦又寘餐餽儘有辭交以  
道無名不受世人錢  
終日求貧果得貧  
拚將杖履送閒身  
到家子弟如相  
問僕馬風清賴故人  
久已心情寄冥烟  
盛衰滿眼亦堪憐  
此鄉古道今彌  
勵不敢人間薄市塵

絃歌到處嗜詩書耐久交情後勝初  
忠信自饒儀物  
詩禮堂雜咏

呻吟集

七

外卯城真作老夫居

已拚遇食過三旬  
苦死爲官不染塵  
此日一金何太  
激人間難得是情真  
到此流連亦度春  
壺飡不厭往來頻  
刪詩莫道唐風  
陋忠厚于今勝昔人

征車纜上又初停  
相送門前草色青  
珍重再三揮涕  
去真將高義薄蒼旻

歸路口號

纔識迷途欲返真，簿冠筇杖出風塵。十年一覺揚州夢，四海單歸六尺身。婚嫁未完兒女債，平安不厭室家貧。鄉間應有同心侶，認取從前共學人。

抵里

到來鬢髮已蕭蕭，只有稜增骨一條。趣寄庭前薰日草，波聽門外挾風潮。十年不識爲周蝶，今日方疑覆鹿蕉。但借繩床供飽睡，妻兒何用問箠瓢。

都中友人寄信座主朱公有揚椒山之目感愧

詩禮堂雜咏

坤吟集

八

成句

事業還由學術推，多年猶自在藩籬。容城自是奇男子，愧殺然明堂下知。

寄尹原甫大叅求書

尹名會一余同年鄉友人同在銓部出守襄陽遷廣

菱旋司  
賦兩淮

鶴廳相應有同聲，我去條山君亦行。再典大邦聞鹿夾，初權利計看花迎。自憐疎拙才無取，况是支離病又并。欲積詩書與共學，也知君子篤高情。



乞米江南

皖城廉使劉名其龍江寧糧儲監司吾宗名恕

一夢歸來已十春，蕭然不救故時貧。  
自倚病骨填溝壑，獨憶天涯裹飯人。

空囊無計覓參苓，千里哀鳴知者聽。  
但瀉冰壺涓滴，水秋原枯草即回春。

昔日求金曾遣使，今亦乞米又題詩。  
竭歡豈不憚煩，甚恃有年來鮑叔知。

西園印事

鄉友趙修和見招

詩禮堂雜咏

呻吟集

九

勝友今良覲，開尊水一涯。  
砌花初灼灼，林鳥正啾啾。  
別久情偏厚，交新語亦諧。  
坐客周于趙三君皆初識方知敦古義，不愧吾儕。

又寄呈二律

幾楹廬舍俯河干，不是臨流愛激湍。  
去檝有聲來榻下，歸帆聯影落林端。  
勞形賈客誰言瘁，冷眼風波可覺寒。  
何似壺觴相對進，醅醠一任水漫漫。

不堪回首少年行，白髮相看種種生。  
我已登山無健

步君今開宴有高情名花在砌香來重病骨裁詩律  
未精只借一枝清睡穩安排老耳聽松聲

黃梁祠前亭子讀帥廉使詩次韵

帥名念祖江右  
進士余同年

到處悽騰只醉眠逢人懶與說當年騎驢道上華胥  
國煮米鑊中叨利天江上清風何用買山頭明月不  
常圓三杯過手惟依枕應是人間有漏仙

元元三杯醉世上無  
眼禪昏昏一枕眠

詩禮堂雜咏

呻吟集

十

次壁間韵四絕

蘧蘧栩栩儘委遲空報黃梁飯已炊消息個中誰與  
証華山穩睡有希夷

雲在中庭日在墀夢回猶自太生疑莊周與蝶真爲  
幻說與人間總不知

海上三山路不迷斜陽枯柳正淒淒門前盡日卽卽  
道車未停輪馬亂馳

到來說夢總成痴我亦卽卽學步時買得兩壺清濁



酒稱賢稱聖任人嗤

過湯陰縣謁岳鄂王祠

千古傷心恨不平鄂王祠下日晶晶志同諸葛尤堪  
憫功似汾陽獨未成相國奸謀終藉手魏公失計浪  
沽名至今誰取春秋筆萬里君王自墮城

謁祠恭次碑刻送紫巖張先生北伐原韻

故里傳忠孝遺祠植道陬砌風猶落冷簷日亦含幽

義士刀吞恨

祠前塑施將軍按劍作行刺狀

奸雄鐵裹頭

鐵鑄秦檜夫婦并万

詩禮堂雜咏

呻吟集

士

俟高張俊王像皆反接跪

咏歌與笑罵千古在中州

由洛赴河內道經邙山四望

千年得失果如何漢業唐功一霎過漫道遺經傳白  
馬曾聞有客哭銅駝沉草樹埋王氣隱隱烟巒起  
牧歌况是北邙山下路一生哀樂任銷磨

張爾徵侍御贈墨二挺館先輩黃太史家藏也

值其初度翻為長歌以酬之

張名考山西進士余同年時督學豫

南山之松歲十千深根巨幹枝參天下有茯苓大如  
甕上有鳴鶴翔其巔照以日月無窮已星雲風露何  
糾纏往往仙靈此託跡吐吞膏液成金丹更欲爲文  
頌上帝鑽皮取脂同熬煎置之窟室覆以瓦千絲萬  
縷騰青烟烟欲裊裊細如線精凝氣聚頂正圓層層  
紫雪霏霏落和以神膠與甘泉杵之萬下丸于手有  
紋如犀玉如堅遂與陶泓毛穎輩討論今古同鑽研  
上言鴻濛未有始下言廣運永無邊煥乎巍巍與蕩

詩禮堂雜咏

呻吟集

十二

蕩典墳謨誥垂簡編從此羣蒙開萬古豈與丹黃爭  
鮮妍以其餘者藏廬岳彌來出世近百年至寶豈輕  
落凡手得者仍是掌書仙愧余塵埃一墮落闔手鬼  
腕早拘孿感此二螺君子賜豈有巨筆寫坤乾若曰  
交情同膠漆敢不以之志拳拳更願持此融融嘿嘿  
意千秋萬載永以守君之太元

立秋前一夕爲六月之晦於豫學署中對諸同

學



今夜猶爲夏明朝卽是秋慢驚寒漸至且喜暑全收  
澹澹斜銀漢沉沉隱玉樓一年今過半相對欲搔頭

河內學使者署內池亭

亭檻臨清水開襟納晚涼頽垣風過處時有青蓮香

河內感舊

依稀花樹兩亭幽今日誰稱五馬侯十載猶然春夜  
夢那堪更憶少年遊

木藥店

詩禮堂雜咏

呻吟集

三

本爲兒女身乃作男子事男子不能爲況在巾幗類  
一片仁孝心激成真節義遂使數千年奇踪永無二

過鄭州子產祠

余在汴求田中丞祠不得田名文鏡

千古長留遺愛祠輿人稱誦亦無疑如何此日新俎

豆問到人間總不知

立春日雪奉和張侍御作

喜見豐年瑞農祥正啟晨四刻同化雨萬彙轉洪鈞  
綵伏霏霏合瑤花樞勝新誰能歌白雪倡和此陽春

蘇門山下百泉書院

漫隨流派任支離自有源頭君未知此日方塘開一  
鑑無窮生趣逝如斯

剛出渟泓綠一澗每逢曲折亦逶迤沛然莫禦終歸  
海只此生生不斷時

輝縣道中

兩灣流水夾東西一路葱蘢樹盡低應有人家終不  
見叢篁深處只雞啼

詩禮堂雜咏

呻吟集

十四

哭座主朱夫子

悲風日夜鳴悽悼徹都城

天子哭師保廷臣失父兄嗟予久瓠落視衆更陶成  
此後誰知已霑霑淚正傾

櫪馬驚星落蒼生莫問年曾聞焚諫草不自說  
埋錢翊化

三朝日先憂百載前應知寰海內流涕滿風烟

生前汲汲唯求士病裏喃喃不爲家善類溥天



同下淚

聖人何日不長嗟楊韓學問無根柢姚宋勲名在齒  
牙道德經綸出一手世間無事漫驚譁

謁伏羲陵有感

一派天機止水清自然誠處發靈明塚頭枉自求著  
艸不向人間問性情

絃歌臺拜謁 孔子及十哲真像

聖人本自行無事後世何勞特創臺冠佩雍容師弟

詩禮堂雜咏

呻吟集

五

子一堂長有好風來

宋賢蘇子由讀書堂

不將遊覽妄標名獨與詩書共水清千載亭臺長勒  
碣宛邱學舍有先生

前遊蘇氏園林四首

聞說園亭好城西有勝遊綠堤無弱柳弄水上輕舟  
橋斷門關啓檻空景物收勞勞千里後一旦豁明眸  
主人知客至開座煮山泉指點莓苔地低徊竹樹天

半池纔放水滿逕自飛烟况是同行侶飄飄竟若仙  
凍水多名士高懷邁等倫豈唯觀所主

時翟孫二君  
同客張侍御

學幕與  
余共遊

即此樂依仁風雅常占句烟霞久置身洒然

臨曉日余亦欲離塵

最愛亭臨水躊躇欲去時好花縈出路啼鳥轉迴枝  
習習風吹甚依依日上遲可能免早飯竟日樂忘飢

### 觀奕

靜觀棋局多成敗着了全然半點無世事只應齊撒

詩禮堂雜咏

呻吟集

十六

手山花野雀任糲糊

### 晴

宿雨初晴日半簷相呼小鳥語纖纖老奴報道茶烟  
歇切莫杯中錯着監

### 些字韵戲作於切山道中

看遍洛陽道上花又乘春雨促行車不知攀陟切山  
後還有風光領受些

登山欲看洛陽花細雨清風阻客車幾次探頭窓外



望纔開日影一些些

半肩行李一輪車久病孱身略好些相逐北邙山下  
路令人憐殺洛陽花

最憐貧病日交加酒興詩懷無半些悶坐一時隨手  
寫却堪題薜罩紅紗

幾番瞠目憶歸家欲賦招魂恨晚些此日聊吟成絕  
句却有關情去看花

茸茸細草發黃花小砌低籬點綴些只此春風堪領

詩禮堂雜咏

呻吟集

七

略嬌紅嫩白不爭差

後遊蘇氏園林四首

已自窮幽趣還思返翠岑蔣生真有逕羊仲日相尋  
花向人含笑風兼竹對吟居然成舊識無復冷塵侵  
子猷偏愛竹到處即停輪况此堪憐處原非可厭人  
清風猶澹曳疎影更嶙峋又聽緡蠻鳥林中叫好春  
逶迤循舊路欄檻自依然異日花同發今來水獨偏  
細尋翻藥圃還上打魚舡不盡耽幽興踟躕欲暮天

乍到情已愜重遊趣更多誰留南轍蓋長泛此烟波  
拂拂春拖柳沉沉入踏荷晚來晴愈好歸去可如何  
賦得冬至陽生春又來

呈康忱先輩時康自黃守落  
職歸里限二冬五排八韵

盛德已臨水窮陰半數冬貞元時自合剝復理相從  
衝炭初偏重葭灰欲上衝得天應寶鼎調律叶黃鐘  
呼吸成終始屈伸驗故封冰泉方應候雲物亦占農  
柳色含春意梅花舒臘容佇看君子泰東海起潛龍  
詩禮堂雜咏

呻吟集

六

又賦

七排  
八韵

周王建子更新歲和叔宅幽正仲冬豈有時窮物不  
反須知理定數相從陽回北陸一元肇衡運南樞萬  
化鎔欲就梅花觀復卦更調葭管應黃鐘音當太始  
絃初越酒在玄時味未釀但覺融風舒凍柳若看長  
日轉高松水泉涌上機微動土炭偏低氣已鍾從此  
東郊堪極目青來江上兩三峰

送姚歐治文學歸里

姚名孔釗  
桐城人



聞道浮山路近城湖光四面徹秋明扶輿靈異多佳  
氣炳蔚文章煥列星自昔傳家稱故獻於今獨步羨  
儒生來年看怒搏風翼果是驚人在一鳴

前題 代孫作

汝水東流入江水颯颯秋風驚客子朝來一聲唱渭  
城滿坐賓朋慘不喜去歲相逢在大梁追琢金玉爲  
文章虹霓吐頰一出篋老師名儒走且僵陳蔡宛葉  
同攜手論文把酒燈前後果然雄豪出少年俯仰但  
詩禮堂雜咏

呻吟集

十九

愧吾老醜主人惜客語丁寧故鄉雖樂莫久停我亦  
東西南北客聞之不覺有飄零

自豫歸里宿宜溝驛老僕誤傾盃酒酌茶以進  
口號自嘲

一杯冷酒一杯茶爾我無爭只是差也自酣然堪兀  
兀又伸豪素剪燈花

方順橋贈夏文學

大隱在朝市伊人宛在茲栽花數十本種藥兩三畦

有酒常供客無屏不寫詩往來時借問役役欲何之

送張馥峯歸里

張名育茌蒲州太學生

秋水襟懷玉性情人間不復有囂聲賞心薈露朝常  
浣得意筆花夢亦生客到隨時同乳燕春歸何處聽  
鳴鶯他年回首津門道茗椀詩歌又送迎

詩禮堂雜咏

坤吟集

二



擊壤集

起復仍赴闕中時作  
壬戌

己未

庚申  
上卷

辛酉

乾隆改元春日

無才只合久沉淪  
一旦彈冠志欲伸  
漢主重頒寬大詔  
唐皇引用老成人  
風飄寒屋烟偏重  
雨潤枯葦草亦新  
可怪林泉嘉石隱  
千年大義慶君臣

病愈入都就補遇河東運使鄧使君期余克復

故物賦謝

鄧名釗  
湖廣人

先儒亦有言於人  
期實濟苟以是存心  
一命皆可勵

詩禮堂雜咏

擊壤集上

一

昔余官郇城  
妄欲起凋敝  
地有力役征  
始自漢唐制  
蒲解十一邑  
貧民苦勞勤  
其實無所裨  
會時有興替  
池垣頽容車  
塩梟競牛曳  
渠水壅池東  
隄塘皆虛砌  
一旦驚潰裂  
其禍良匪細  
豈惟困吾人  
實亦絀國計  
上官許陳詞  
蠲滌著爲例  
以是雇役興  
而我無時憇  
酷暑督征繕  
星夜徵巡隸  
偶值簿書餘  
會當講文藝  
智拙致隕越  
倉促從茲逝  
在秦謝病歸  
至今永沉滯  
慚無負郭田  
十年未一祭  
飢驅走四方  
知音空一世

不謂樗散材乃結君子契大聲呼同舟機緣不相際  
良意矢終身感激惟雪涕

過晉陽別郭使君之秦

郭名一裕前宰平陸日  
得識今自平定牧遷此

端僚自古簡璠璣况是恢恢舊有餘騎竹再迎童子  
馬揭帷爭望使君車十年濟楫憐相共此日征衫問  
所如晉水秦山應不遠佇聞嘉績下 鸞書

愧示喬六秀才

喬名于洞倚氏文學跌宕不羈  
時以年暮不及墓親為恨

好水佳山憶舊遊來秦過晉又勾留希文貧死曼卿

詩禮堂雜咏

擊壤集上

二

老更向何人說麥舟

別解州彭使君

乍識荊州日曾聞吾道南經綸出夙學風雅轉高談  
感子思隨驥憐予欲解驂此情何有極河渭綠波涵  
渡河懷顧六虛

時顧回廣  
陵舊居

擊楫何人水泊隄渡頭春草正萋萋邇來信息難通

問一在江南一在西

懷岳陽趙宰

趙名溫為余  
同年進士



三年報最亦尋常獨怪春風到岳陽

趙爲人廉直爲上官所不喜今

竟膺薦出人不意

此後逢人頻問訊京師可已召龔黃

渡河呈周雲上郡守

即忻州牧遷蒲守

蒲津渡口日依稀晉樹秦雲是也非自笑臨流重擊楫全疑浮海未忘機百年須友舟停涉千里長風願恐違聞道使君憐共載乘輿何處識清輝

題秦憲僉公殉忠遺囑

慷慨即捐軀成名亦僥倖所難獨從容我懷常耿耿

詩禮堂雜咏

擊壤集上

三

今日一披卷心目爲俱警臣職在守官所保者四境  
城亡與俱亡大義夙所秉生我者誰歟終當報清冷  
三復絕命詞流涕還延頸

紀事

狐白裘白如銀誰其有者孟嘗君千金易得裘難得  
今日天下何紛紛高衿裒袖輕且溫往來街衢光耀  
身一裘值金僅一斤長安市上猶雲屯昔如天衣今  
敝徒何以致之惟互市互市之利利如何賈兒欲語

淚滂沱

虎豹猶豺狐羊毛  
羚角礪砂綠葡萄  
洋洋大風非少  
此聖人原以綏荒  
要顧彼貪殘犬羊  
性久則生隙恣  
煩囂卓哉幕府持  
大體擯之不得加  
分毫我聞受小  
共大共不以有用  
易無用縱使盡出  
大宛寶何如永  
閉玉門道

古華清宮溫泉

情之至者無生死  
長生殿裏盟可矢  
不謂華清賜浴

詩禮堂雜咏

擊壤集上

四

人馬嵬一去如逝水  
朝搗秦箏幕趙謳  
不與薄倖爭風流  
但使再世能相見  
教人有恨恨還休  
可憐池水水如湯  
人歌人哭總斷腸  
李家三郎真情種  
一語千古誰闡揚  
登徒好淫不好色  
卽知佳人難再得  
君不見少翁曾求李  
夫人茂陵還有秋  
風客

石甕寺

酉春有事臨潼與常司馬沈大令同遊驪山之東麓金君名振者謂有石甕寺頗幽余欲至之而二客不從輒止今冬一杖孤往得探其勝



金君爲言石甕竒我身未至神往之今也來遊值孟  
冬流泉蒸蒸如春時飯罷體腹溫以實一筇上下足  
撐持有石可坐樹可倚樵歌牧唱亦可怡到寺亭亭  
日方午老僧負暄呼沙彌煎茶正汲石甕水問寺由  
名僧不知我由仄徑懸磴下四圍青壁聳且危有流  
如線當頭瀉石罅津津皆漣沍坐此清冷水石際真  
如坐甕釋所疑人日在甕不知甕如魚在水渾迷離  
僮僕告我時將暮歸來汗浹足已疲苦茗一盃解衣  
詩禮堂雜咏

擊壤集上

五

浴放頭穩睡舒四肢人生如此願足矣垂紳佩綬奚  
以爲

賦得一片冰心在玉壺

故人遙憶自情深千里還堪質素心曾向莊濠衡爾  
我不於嚴肆問升沉繁華事業同鷗鼠冷淡行藏託  
釜鬻一咏一觴隨處樂果然城市是山林

方鏡次清澗王宰韻

王名起鵬  
浙江進士

圓明未就敢辭方慎勿摸稜託掩芒德必有隅須砥

礪充惟其實自輝光四邊俱到中天月一鑑初開半  
畝塘到得端巖成色相通融吹索總講張

端陽後五日小園夜坐

明月榴花下照人多年長憶 帝京塵柝聲急處琴  
聲繁此日原來身在秦

庭中隙地築土爲山一匱方施孤峰特起賦以

志意

不是仇池穴如何小有通插花都馥郁植艸亦蒙茸

詩禮堂雜咏

擊壤集上

六

庭滿羅羅月籬開片片風從來真意味只在會心中

仇池穴在陝杜詩萬古仇池穴潛通  
小有天仇池明在秦小有明爲小山

壽驛道孫公母沈太宜人九十

孫名陳典  
浙江舉人

坤柔敦厚載寶婺燦長庚瑤島桃初熟華峯藕正成  
幹軒風拂拂綸翟日晶晶往者三從著曾聞百兩迎  
芳芬播錡釜雅韻協珩璜勞共鮑宣汲恭同冀缺耕  
翱翔加雁弋靜好勗雞鳴廡下齊眉案厨中洗手羹  
承歡忻有托以順感無爭夫子同心臭良明一座傾



脫簪供七箸解佩報瑤瓊推讓寰中士激揚天下英  
韜才艱世遇紹業振家聲連壁山同耀雙珠水共清  
機雲夙擅譽軾轍早知名小宋當爲首元方真是兄  
人間識繡虎海上見騎鯨弈弈詩書氣葱葱江漢精  
卽官占列宿庶獄藉持衡母獨嘉明允公非有重輕  
皇華通塞地鍾釜裕邊城識已空駢驥才應薄管嬰  
于門當峻大歐後必崢嶸玉樹亭亭立芝蘭馥馥生  
萱堂花浣露莢閣葉搖晴遊戲千春樂起居八座榮  
皇娥爲鼓瑟玉女亦稱觥佇看期頤日天綸褒壽

貞

乾陵

唐高宗同  
武后塋此

何人此日望山頭風落雲低艸樹羞見說昭陵驅汗  
馬不聞狄墓卧耕牛

乾陵東五里卽狄梁公  
墓土垣衛之州牧有祭

河洲鐘

鼓通江漢城戍烽烟散旬侯我欲問天天又老空開

白眼向神州

詩禮堂雜咏

擊壤集上

七

題李乾一先輩入太華小照

君不見少陵望嶽曾有詩尋源好待秋風時又不見  
昌黎寄家亦有書縑緝不下涕歎歎胡爲乎動一時  
之幽興攜一杖而逃虛意者口不善于咕嚕足不工  
夫趙趙遂欲入山唯恐不深而豈曰窮幽探異尚有  
假乎籃輿

登雲光閣閣爲隱者陳居士所建僅半厦然已

二層之上別有洞天

詩禮堂雜咏

擊壤集上

八

到此全無暑風光况已秋陰泉時滴瀝寒颼亦颼颼  
道院洞中洞丹房樓上樓元闕如可啟麋鹿與同遊  
聞笛爲馬僉判作

說與時人莫浪猜笛聲吹出老年哀知君雅善梅花  
弄故遣寒香入夢來

懷顧六虛

相逢何地再論文事業年年送夕曛天下稱迂非獨

我人前不佞亦同君故鄉誰問東湖月

顧與余皆  
籍廣陵

一



杖定看北海雲欲藉南帆通問訊平安應教共知聞  
自爲小山人係之以詩

癖性只緣愛居山無端小山起堂上寄我此日之幽  
情豈足勞君共忻賞樹耶花耶亦成詩詞新句異心  
神爽獨愧頑石石太頑焉能生雲大如掌

膺

召赴都留別西安常咸一司馬

常名德  
滿州人

豈有匡王略蒲輪及老夫感懷年已暮太息我如愚  
悔吝偕時極污隆與道俱元規真藥石何以慰前途

詩禮堂雜咏

擊壤集上

九

留別邠州高昭德使君

高名晉鑾  
黃旗舉人

盛世栽培雨露滋無才敢自負匡時曾爲小草貽山  
笑又沛 恩綸辱 主知三載肝腸常倚毗一身尤  
悔獨支離知君家學淵源舊示我周行循所之

留別商州吾宗堅吾

堅吾名  
如玖

盛世垂裳物自春生成消息寄微臣十年撫字無多  
事此地循良有幾人子職未遷情澹漠吾衰已甚骨  
嶙峋懷思可奈離襟日况是分流共派親

留別關中書院掌鐸李乾一先輩

李名士元蒲城進士

先生真是地行仙體健神清任自然問字今隨諸子  
後論交還憶十年前詩書共定深寒夜花竹同陰細  
雨天欲別丁寧重握手令人不忍促離鞭

留別書院同學諸子

文章風義久相知此日離亭欲贈詩豈我能飛埋獄  
劍願君共脫處囊錐逢時伎藝今難問經國才猷昔  
所師但向個中精去取幾番開口恐支離

詩禮堂雜咏

擊壤集上

十

行經上谷有感

時方初春

一畝清泉細細流到來幽興欲搔頭如何上谷春如  
許三十年前此地遊

良鄉縣道中

四十年前曾於東阜望見行人往來其細如蟻

冷澹豪華總是空秋雲纒過又春風此來僕馬騰塵  
日盡在當年一望中



擊壤集

江南宦遊時作  
丙寅 丁卯 戊辰

癸亥

甲子

乙丑  
中卷

吳園即景

別院香初發春光曉正催日烘初綻杏風落早開梅  
曲徑藤牽引高松鶴去來傳為六朝時所植伊人宛在處傍  
水起樓臺

書僧寺壁

坐忘之處即心齋走盡名山踏破鞋獵獵寒風吹細  
雨泠泠鳴溜滴空階老僧對坐休饒舌侍者停叅沒  
打乖只在當前人不見千年佛種嘆塵埋

詩禮堂雜咏

擊壤集中

一

泛舟溱潼忽憶東村景事今東村郝朱二氏祖  
父孫皆已物故不覺流涕

得意文章對月論老翁稚子亦相存此時風物依稀  
甚四十年前水上村

舟泊溱潼湖中隨風上下遣興

放楫輕流不繫船憑風蕩漾水雲邊日中見集溪頭  
市雨後聞耕隴上田童子垂釣供晚膳厨人拾枯爨

晨烟三杯卽醉隨歌枕應是人間有漏仙  
載酒攤書日扣舷明湖十里鏡中天擁蓬平旦雲舒  
卷鼓楫初更月碎圓到處衣冠敦古朴誰家飲饌恣  
肥鮮老農滋味真如此慚愧風塵六十年

贈放鴨兒

朝放鴨朝放鴨鴨喜羣聚汀沙修潔翎羽啄魚蝦放  
鴨小兒無一事午睡初起歌喳喳晚來斜陽照地紫  
一艇搖漾竿擊水但教鴨兒近淺灘飛走不待人驅

詩禮堂雜咏

擊壤集中

二

使朝放鴨暮收鴨鴨兒認得自己家嗚呼壯遊客子  
天一涯

姑孰吳蘭叔文學佐幕家弟海陵其母八十人  
各有詩余爲追贈

薄宦吳陵地復東義方慈訓早聞風邇來信得人間  
語令子真成荀氏龍

考叔懷羹有所遺賢哉養志亦嘻嘻只因十載絃歌  
慕遠却肥甘母不知



不駐慈顏自泰然康強疑是地行仙人間甲子香難  
問設悅今纔八十年

桂子香風綻菊英娟娟秋月正分明賓筵拈得長生  
字我亦題詩獨後成

廣陵寓齋前後一月中有二鷺飛集感賦

折腰久已逐風塵歲月無暇置此身豈有田園真近  
水須知魚鳥自依人酒瓢茶灶烟波靜竹杖芒鞋艸  
樹新到得柴桑歸去日吏中果有葛天民

詩禮堂雜咏

擊壤集中

三

廬丞官舍題壁

夜醉樓騰興細生空庭松竹影交橫此來值得多消

遣二載不知春月明

佐醴海陵時簿書實繁  
二年在署并無一詩

透漏庭垣好受風新開竹徑四軒通鄰家乞得湖山

石哀土真成一簣功

栽來藤蔓最拖長近傍疎籬遠傍牆萬物滋生須得  
地辛勤只趁好春光

恐踈鷗鷺賦歸歟未必衙齋百日居蜜已釀成蜂已

去啞然吾亦笑吾愚

壽廣陵守高使君

高名士鑰  
正白旗人

銀章青綬十三秋五袴雙歧遍野謳祇有移珠歸合  
浦誰云騎鶴上揚州葩雲長簇丹山鳳遲日徐添海  
屋籌我亦介肴聞上考好看梅蕊入金甌

高君晚年  
得子其寶

愛之

李梅坡別駕招飲桃園成四絕

尊酒相攜落照中白鬚羞對滿山紅幾杯博得酡顏

詩禮堂雜咏

擊壤集中

四

後也得春光一霎風

水繞山環別有天武陵何處欲尋源醉來不解今何  
世真到桃花洞口邊

江風吹送十分春不飲紅花也笑人恠得踈狂多逸  
興謫仙原自有前身

三萬六千一醉塲萼蘆何必不他鄉花花酒酒能長  
共到處青山莖骨香

雷處士年七十後連舉丈夫子二



見說奇花必晚開，騰原待不尺材於今益信非虛。  
語老蚌明珠已兩胎。  
年登七十古應無，况又重重掛木弧。待到飛騰鳴國  
瑞之間，果有鳳皇雛。

舟泊采石爲唐李青蓮捉月處時月已望正墮  
江中

江中真有天心月，天上寧無甕底春。一片迷離成解  
脫，青蓮原是謫仙身。

詩禮堂雜咏

擊壤集中

五

登太白樓

內有聯云吾輩於今只飲酒先生之後莫吟  
詩賞其確切然前後辟問題咏正滿竊以太  
白驚才後人能敵  
之者其髯蘇子

一手搥碎黃鶴樓，崔顥題詩在上頭。只有大江東去  
浪古今淘盡此風流。

五溪望九華山

又重重掛木弧，待到飛騰鳴國瑞。

玩華何必陟華巔，天簇奇葩在眼前。江上猶疑廬阜  
接峰頭，直到敬亭邊。烟雲淨洗秋風悄，樹濃零皓

露鮮九朶芙蓉真秀出稱名恰好是青蓮

山行遇雨

淒風冷雨捲山來半愜歡情半可哀膏潤耕犁播舜  
麥寒沽村酒醉輿僮荒墟薪火愁應斷野店籬扉濕  
未開安得少陵千萬厦蒼生大庇永無乖

秋日巡歷青陽道中口占

問俗何辭一往還肩輿初駕即開顏地當流水迴峰  
際人在秋風落照間景物紛來饒悅豫民情得處賴

詩禮堂雜咏

擊壤集中

六

安閒昏昏案牘埋頭慣也負池陽六邑山

止止行行徑亦迂周咨不必叱前驅高低綠樹紫黃  
蓋遠近青山對白鬚邑有原田多磽确村餘桑柘半  
荒蕪秋成且莫矜分數得供年來逋賦無

高軒茅屋雨參差說是能知總未知到處求瘼頻駐  
馬逢人識面任褰帷正憐婦子初親日獨惜車旗一

過時爲報村氓良自愛今來召父果仁慈

時新守張公將至任

五日仍然稱使君度阡越陌趁朝曛心傷湛露零豐



草目斷秋風捲白雲汨汨川流皆浩漫蕭蕭木葉亦  
續紛停車欲夢莊周蝶細雨寒螢不可聞

齊山雜興

一杖尋幽未是屨秋風人出翠微間  
自南郭至山三里餘有堤楊柳

夾立名翠微堤依稀記得杭州路郭外明湖湖外山  
余雍正三年春

使至浙得覽西湖之勝今齊山似之

清溪水淺一溪清襟帶長江漾日明  
郡城之東為清溪唐李白嘗遊

此而愛之其水自良隅出江而江則由西南來過城北此際登山何極目更饒

詩禮堂雜咏

擊壤集中

紅樹出秋城

高低僧舍傍岡巒松是樓臺竹是欄認取湖山真面

目令人慚愧說臨安  
宋張栻詩憶行西湖岸亦復多嗽嗽頗恨人力勝刻畫時見侵

云云又云荷如榛芥間屹立長森森天然抱幽獨妙質逢賞音云云可証

陳鴻碑斷久凋零延慶樓基草正青  
陳鴻斷碑在宋延慶寺前今與

寺俱已湮沒賴有經營賢太守山頭高聳望江亭  
亭于乾隆三年

李暉守池時重建

秋日但聞天接水池中又見壑藏山乾坤奇到難名

處只在峰頭一望間

誰向籬邊着意栽山頭山底總徘徊自從杜牧詩成

後九日池陽花不開

杜牧守池九日登齊山詩有菊花須插滿頭歸之句今求之竟

無一本

應者

他鄉他水老風塵十畝無能置此身迢遞層雲山遠

近秋陽何處不愁人

折戟前朝自洗磨太平禮樂偃干戈將軍能共登臨

興緩帶湖山奏雅歌

曹遊戎邊餘于此

詩禮堂雜咏

擊壤集中

八

說是人幽境亦幽怪來松下叱鳴騶拂衣欲換雙麻

屨可許齊山一小邱

野人家住水雲鄉纔說名山即粟糧

余家天津有東西淀淀即湖也

性又愛山

杖策不知巖谷暮滿城燈火是池陽

魯雲山

月照衰楊水泊堤湖東朝到暮湖西獨嫌率爾爲山

玷珍重新詩未敢題

清風寂寞高公墓春酒招搖杜牧村獨倚危亭愁日

落愴然今古總銷魂

城北池口有東漢隱士高獲墓墓前亭棹牌曰清風城西二里



柳杏花村  
牧祠在焉

皖城江上晚霞

江風淨不生江水平如鏡流霞上下明不覺乾坤并

自池口渡江至濡須阻風

渡江三日半舟行不數里叵耐石尤風排濤樹勁壘  
昨朝榜人奮跳盪隨波靡高若隕自天條又從地起  
前俯後即昂左移復右徙號怒駭觀聽宛入沸鼎裏  
火急呼迴棹驚魂久未已今晚風少殺波恬舟亦駛

詩禮堂雜咏

擊壤集中

九

從容一推篷秋光漾長水迢遞見遠山有磯名板子  
斜陽透破雲明滅間青紫去去巖谷安飄浪胡為爾  
江寧袁宰爲我徵歌選勝并示詩文即席以贈

袁許江進士  
自諧職改官

到處歌筵急板催何曾倦眼向人開四更入直五更  
拜聽過鈞天廣樂來

飛隨霄霄十二城自來春夢未分明無端忽憶當年  
事今日長沙遇賈生

鎮日香凝燕寢烟人人道是王堂仙自從管領春風  
後朶朶名花出色鮮

闌紫爭紅奈若何翠屏銀燭照猗卬風流仙吏誇神  
鑿指點宮商錯也麼

清香冉冉水溶溶低舞風前力已慵濃李天桃爭解  
事世間若個譜芙蓉

果是亭亭玉一行清歌宛轉惱人腸小杯大盞何嘗  
醉自信狂夫老更狂

詩禮堂雜咏

擊壤集中

十

江南風物也相宜天下文章今在茲冰雪聰明雷電  
手裒然一卷杜陵詩

不嫌冷淡歌殘雪無卬迷離怨落花我亦青衫多淚  
客可堪一再訴琵琶

掉首城頭姑射山一琴一鶴自閒閒當年亦有絃歌  
宰治在春風舞雩間

爲霖爲雨是耕蠶說到繭絲我亦慙天老君材原有  
用誰云才子放江南



龍江闕木桴

曾滋雨露出塵埃一自辭山永不回片片皆輸都水  
賦根根誰作柏梁材翻嫌樗散全無用可有工師莫  
浪猜江上浮沉容易朽又將萌蘖好安排

壽洪司馬母周太宜人六十

黃菊茱萸泛好辰一觥稱進四時春瑤童璀璨天  
邊誥珠履聯翩座上賓令子才華真卓犖諸孫頭角  
亦嶙峋無窮福蔭從今始又見明年甲子新

詩禮堂雜咏

擊壤集中

十一

贈江寧許宰

年來空復點朝紳凋瘵何由謝世人數盡江南分竹  
地桑麻不似秣陵春

六朝景物近如何男插田秧女斫禾爲問秦淮風與  
月今來別自有絃歌

紛更何事惑顛愚撫字終推素服儒宓子彈琴爲治  
日相忘魚自在江湖

璽書曾下近三年僚采紛紛亦黯然謾道樓臺須近

水九舉鳴鶴早聞天

暑夜新安守署坐不能寐見雲隙時復露月

老病耽微祿長才我未聞其如凋瘵者真是弟兄羣  
暑夜風棲樹清宵月度雲坐深更漏盡吏牘又紛紛

詩豐堂雜咏

擊壤集中

三

水九舉鳴鶴早聞天  
暑夜新安守署坐不能寐見雲隙時復露月  
老病耽微祿長才我未聞其如凋瘵者真是弟兄羣  
暑夜風棲樹清宵月度雲坐深更漏盡吏牘又紛紛



